

Jän Bürejtön Dieter F. Uchtdorf

Rikakpilöklök eo Kein Karuo ilo
Bürejtönji eo Kein Kajuon



Kajejjet wöt Iolaplap

Raan ko ɭok, ikar alooje an juon kurub ej kōmel-mel kōjjeroro libbōn. Jān aō baj alooj, ekar alikkar nān nā bwe nē kwelukkuun kōṅaan jeɭā kōn libbōn, ebōk iien im iien kaminene.

Ijjab ɭōmṅak komaroñ kōmṅane juon āt jān aṅ erom juon rikōjeroro eo etōprak jān aṅ libbōne ɭok juon wall eo ejeɭok kobban innām jiñaik jikin ko kwaar kōjjeroroiki ipeɭaakin ṁade ko. Kwoj aikuj in ekkatak kilen aṅ pukōt e jikin eo kwoj kōjeroroiki im kajejete roñ eo iolaplap in.

Jikin ko Jej Kōjeroroiki Me Reuno

Libbōn ṁokta im kepaaktok jikin eo kwoj kōjeroroiki emaroñ jidik juon men ebwebwe, ak jet iien kōj make jej kōmeɭeɭeik kain ṁwil in ilo jekjek ko jet an mour.

Äinwöt membōr ro an Kabuñ, kōj jej imminene in leɭok kōj make nān būrookraam ko an gospel, unin kōnono ko, im aaet katak ko me bōlen rekaitoktok limo, aorōk, ak kalimomo nān kōj. Jej jelmāe kapo nān libbōne ɭok ipeɭaakin jikin eo kōjeroroiki, kōmṅan bwe jen tōmak bwe jikin eo jej libbōne ɭok ej pād ilo iolapen gospel eo.

Menin epidodo kōmṅane.

Iṁṁwin elōñ iiō ko, jekar bōk kōkpilöklök ko remṁan im iṁwe jān rikanaan ro an Anij. Jej barāinwöt bōk tōl im kaṁool jān bok ko rellōñ, bok in bōk meɭeɭe ko, im bok in katak ko an Kabuñ in. Jemaroñ kālet unin kōnono ko remṁan jān gospel eo, jiñaik juon doulul ipeɭaakin, im kwaɭok ke jekar kalikkar ṁōttan eo eaorōktata ilo gospel eo.

Rilōmṁor eo ej Kameeɭok:

Ejjab juon jorrān ej waɭok ilo raan kein ad. Etto, ritōl ro an kabuñ rekar joɭok eɭap iien kōlaajrak, kōjemooj, im kōbauwe kōn ewi iaan bukwi kien ko ekar lukkuun aorōktata.

Juon raan juon kurub in rimāletlet ro jān kabuñ rekar kajjieoñ kepaakɭok Rilōmṁor nān kōmṁan kiojaljaɭ. Rekar kajjitōk Ippān kōn An ɭōmṁak kōn juon unin kōnono jet wöt armej remaroñ errā kake.

“Ri Kaki,” rekar kajjitōk Ippān, “ewi kien eo eɭap ilo kien ko?”

Kōj aolep jeɭā bwe Jisōs ekar uwaak, “Kwōn yokwe Irooj aṅ Anij kōn aolepān būruomṁ im kōn aolepen aṅ, im kōn aṅ ɭōmṁak otemjej.

“Eñin kein eo eɭap im ṁokta.

“Im eo kein ka ruo äinwöt in, Kwōn yokwe ri turumṁ im äinwöt kwe.

“Kien otemjej im ri kanaan rej ekkejel ilo kien kein ruo.”¹

Jouj im likūt ilo noot eo aṅ jentej eo āliktata: “Juon iaan kien kein ruo ej rie aolep kakien ko im rikanaan ro.”

Rilōmṁor eo ekar jab wöt kwaɭok nān kōj jikin eo jej kōjeroroiki, ak Ekar barāinwöt kalikkar doulul eo.

Libbōne ɭok Jikin eo Jej Kōjeroroiki

Äinwöt membōr ro an Kabuñ in, jej bujen nān bōk iood make etan Jisōs Kraist. Ijo eaorōk ilo bujen in ej meɭeɭe bwe jenaaj kajjieoñ ekkatak kōn Anij, iakwe E, kōɭapɭok

tōmak eo ad lo E, kautiej E, etetal ilo iaļ eo An, im jutak dim āinwōt rikamool kōn E.

An ļapļok ad ekkatak kōn Anij im eņjake iakwe eo An nān kōj, ilo an ļapļok ad kile bwe katok eo eļap an Jisōs Kraist ej juon menin letok an Anij. Im iakwe eo an Anij ej imwe kōj bwe jen kōjberbal iaļ in nān mool in ukweļok, eo enaaj tōl ļok nān kabwilōnlōn jān jeorļok bōd. Wāween in ej kōtļok ad bōk iakwe in eļap im tūriamō nān ro ipe-ļaaqid. Jej katak nān kalimjok eļapļok jān ļābōļ ko. Jenaaj eļok jān kapo ko bwe jen jab ņaruwōn ak ekajete ro jet jān jerawiwi ko, likjab ko, mōjņo ko, meļeļe ko kōn kien, tōmak ko an kabuņ, kōj armej in ia, ak kain kūl rōt.

Jenaal loe aolep ro jekar ioone āinwōt juon ajri nejin Jemedwōj Ilaņ—maan ro jeid im jatid ak kōrā ro jeid im jatid.

Jenaaj pukōt ļok ro jet ilo meļeļe im iakwe—aaet ro emaroņ jab pidodo nān iakwe er. Jenaaj jaņ ippān ro rej jaņ im kaenōmņan ro jet aikuj aenōmņan.²

Im jenaaj kile bwe ejeļok unin ad lukkuun eddodo kōn jikin eo ejejjet ilo gospel in.

Kien ko ruo reļļap rej jikin ko jej kōjeroroiki. Kien otem-jej im rikanaan rej ekkejel ilo kien kein ruo.³ Ilo ad bōk menin, aolep men ko jet renaaj jejet im pād ilo jikier.

Ņe jibadbad eo ad eļap, ļōmņak ko ad, im kijejeo ko ad rej pedped wōt ilo ad kōļapļok ad iakwe nān Anij Ekajoor Pōtata im leļok būruwōd nān ro jet, jemaroņ jeļā bwe jej pād ilo jikin eo ejejjet im ej kajejetļok doulul eo—erom rikaļoor ro reņool an Jisōs Kraist.

KAKEEMEMEJ KO

1. Matu 22:36–40.
2. Lale Mosaia 18:9.
3. Lale Matu 22:40.

KATAKIN JĀN ENNAAN IN

Mokta jān aņ kwaļok ennaan in, komaroņ al “Our Savior’s Love” (*Hymns*, no. 113). Innām kwōn ļōmņak in rōjaņ ro kwoj loļok bwe ren kalimjek wōt “jikin ko jibadōki” ilo mour ko aer make. Komaroņ in kōnono kōn wāween ko nān lale bwe kien kein ruo reļļap—nān “iakwe Irooj aņ Anij” im nān “iakwe riturumj im āinwōt kwe” (lale Matu 22:37, 39)—aolep iien rej tōl maķūtkūt ko aer. Kwoj aikuj barāinwōt kwaļok wāween ko kwaar pedped wōt ioer ilo mour eo aņ make kōn Kraist im kwaļok naan in kamool eo aņ kōn wāween an kōjeraamņan eok.

© 2017 jān Intellectual Reserve, Inc. Aolep jimwe rej pād ippān. Jeje ilo USA. Kōmālim ilo kajin English: 6/16. Kōmālim an ukook: 6/16. Ukook eo an *First Presidency Message, January 2017*. Marshallese. 97921 874

JODIKDIK RO

Juon Ettōn Dikdik Emaroņ Kōmņan Eļap Oktak

Būreejtōn Uchtdorf ej kalikkar ruo kōttōbar ko ej aikuj wōr ippād nān maķūtkūt ko ad: iakwe Anij im iakwe ritūrir. Ak jet iien ejjab pidodo nān iakwe ro jet. Ilo aolepān mour eo aņ, bōlen elōn iien kwoj loe an pen aņ kōnono ippān ro jet—bōlen ewōr juon armej ekar kōmetak eok ak bōlen epen aņ kōnono ak jeļā kajeen bar juon armej. Ilo iien kein, kajjieoņ keeme-nej iakwe eo kwaar eņjake jān ro mōttamj, baamle eo aņ, Jemedwōj Ilaņ, im Jisōs Kraist. Keememej laņlōn eo kwaar eņjake ilo jekjek kein im kajjieoņ pijaikļok eļāņne ekar lōn an aolep iien nān eņjake kain iakwe in. Keememej bwe aolep armej rej juon leddik ak ļaddik nejin Anij im ej aikuj iakwe eo An *im* kwe.

Ļōmņak kōn juon armej ilo mour eo am eo ekar pen am jermal ippān. Kakobaiki er jar ko aņ im kajjitōk ippān Jemedwōj Ilaņ bwen kōppeļok būruwōm nān er. Ejjab etto kwonaaj loe er ilo wāween An loe er: āinwōt juon iaan ajri ro Nejin eo jej aikuj iakwe.

Ālkin aņ jar, kōmņane juon men emņan nān er! Bōlen karuwaineneik er nān juon maķūtkūt in ippān doon ak jambo ippān ro jeraņ. Kajjitōk nān jipaņ kōn juon jermal in homework. Aaet baj ba “iakwe” im ettōn dikdik nān er. Men ko reddik remaroņ kōmņane juon oktak eļap . . . ilo jimor mour ko aņ!

AJRI RO

Doulul eo!

Būreejtōn Uchtdorf ej ba gospel eo ej āinwōt kōjero-ro. Jej aikuj in jibadōke men ko raorōktata. Kien ko raorōktata rej iakwe Anij im iakwe ro jet. Ņe jej mijōk wōt men kein ruo, jemaroņ kale e doulul eo aolep iien!

Jiņaiki juon jikin kōjeroro ion juon peba. Leļok nān ro jemān im jinen bwe ren riiti laajrak in nān kwe. Ņe juon aitōmj ilo laajrak eo ej juon men eo ej jipaņ kōj kwaļok ad iakwe nān Anij im ro jet, innām je ak jiņaiki ilo ioļapļap in jikin kōjeroro eo.

Leļok bwe ro jet ren kōjberbal kein ikkure ko nejmj.

Kōt tōņal

Etal nān mōņjar eo

Kūr juon armej kōn juon āt enana meļeļein

Kōmņani jar ko aņ

Bakwij juon armej

Ire ippān ajri eo jeimj im jatm



Kōttōbar eo an Doulul eo an Kōrā

Kanooj jar ilo aṃ ekkatak kōn katak in im pukōt nān jeḷā ta eo kwonaaj kwaḷok.

**Tōmak, Baamḷe,
Jipaṇ**

Kōttōbar eo an Doulul eo an Kōrā ro ej nān “kōpooje kōrā ro nān kōjeraamḡan ko an mour indeeo,” Linda K. Burton, Būreejtōn eo an Doulul eo an Kōrā ro ej ba.¹ Ej kōn tōmak, baamḷe, im deor in jej bōk koṇaad ie “mōttan eo eaorōk ilo jermal in.”²

Doulul eo an Kōrā ro “ej juon jermal an kanniōk im jetōb,” Carole M. Stephens ekar ba, Rikakpilōklōk eo Kein Kajun ilo Būreejtōnji eo Eutieḡ an Doulul eo an Kōrā ro. “Eñin ej ta eo kōrā ro rekar kōmḡane ilo raan ko an Rilōmḡor eo, im eñin ej ta eo jej wōnḡaanḷok im kōmḡane.”³

Ilo ad pukōt kōrā in Samaria eo ilo aebōj laḷ eo, eo ekar likūt nien dān eo an im ettōr im kabuñbuñ ḷok nān ro jet bwe Jisōs ekar juon rikanaan (lale Jon 4:6–42), ak nān Phebe, eo ekar mōṇōṇō in jermal nān ro jet ilo aolepān mour eo an (lale Rom 16:1–2), jemaroñ loe waanjoñak ko an kōrā rein ilo raan

ko an Rilōmḡor eo ro rekar nikinik ilo itok nān Kraist. Ej E eo ej kōp-peḷḷok iaḷ eo ad nān mour indeeo (lale Joh 3:16).

Ilo ad kalimjek sister ro ad im rej paineer ro ilo Nauvoo, Illinois, ro rekar kuktok ippān doon ilo mḡweo imōn Sarah Kimball ilo 1842 nān ejaake doulul eo aer make, jej lo karōk eo an Anij nān bōktok Doulul eo an Kōrā ro ilo aer pād im jokun wōt juon ippān priesthood eo. Ālkin an Eliza R. Snow je juon jemān āe, Rikanaan Josep Smith ekar etale. Ekar kile bwe Kabuñ in ekar jab lukkuun koṇ mḡae ien kōrā ro rekar ejaak. Ekar ba bwe Irooj ekar errā kōn kajjitōk eo aer ak ekar wōr juon men emḡanḷok. “Inaaj ejaake kōrā ro iumḡwin priesthood eo ālkin joñak eo an priesthood eo,” ekar ba.⁴

“Doulul eo an Kōrā ro ekar jab baj juon kurub in kōrā ro rej kajji-eoñ kōmḡan emḡan ilo laḷ in. Ekar

oktak. Ekar ‘juon men emḡanḷok’ kōnke ekar ejaak iumḡwin mālim eo an priesthood eo. Ejaak eo an ekar menin aikuj ilo kōppeḷḷok jermal ko an Anij ioon laḷ in.”⁵

Bar jet Eoon ko im Meḷeḷe ko

Katak im Bujen ko 25:2–3, 10; 88:73; reliefsociety.lds.org

KAKEMEMEJ KO

1. Linda K. Burton, in Sarah Jane Weaver, “Relief Society Celebrates Birthday and More March 17,” *Church News*, Mar. 13, 2015, news.lds.org.
2. Linda K. Burton, in Weaver, “Relief Society Celebrates Birthday.”
3. Carole M. Stephens, in Weaver, “Relief Society Celebrates Birthday.”
4. Josep Smith, ilo *Daughters in My Kingdom: The History and Work of Relief Society* (2011), 11–12.
5. *Daughters in My Kingdom*, 16.

ḷōmḡak kōn Menin

Ewi wāween an Doulul eo an Kōrā ro jipaṇ kōrā ro kakūrmḡool eddo eo ekwojarjar an Jemedwōj Ilañ nān er im tōl er nān mour indeeo.